



## ORLOF 2009

Ágætu félagar.

Hér kemur orlofsblaðið okkar fyrir árið 2009.

Í því eru upplýsingar um hvað við bjóðum upp á í sumar um orlofshúsin, íbúðir, gjafabréf með Iceland Express og annað sem skiptir máli.

Orlofshúsin okkar eru í Munaðarnesi, sem við höfum nú alfarið í okkar umsjá og í Úlfstaðaskógi á Héraði.

Við höfum aðgang að íbúðum við Ásholt í Reykjavík og á Akureyri. Þessar íbúðir eru í eigu FOSS og svo erum líka í góðu sambandi við önnur starfsmannafélög sem gefa okkur möguleika á að útvega hús á öðrum stöðum.

Við minnum líka á að við greiðum niður til félagsmanna leigu á tjaldvögnum og fellihýsum.

Við hvetjum ykkur til að skoða vel það sem við höfum upp á að bjóða og ekki hika við að hafa samband ef þið hafið óskir um annað en hér stendur til boða.

Stjórn félagsins ákvað á fundi að hækka leiguna ekki á milli ára vegna ástandsins í þjóðfélaginu og til að gera félagsmönnum auðveldara að njóta sumarleyfis án mikils tilkostnaðar.

Með ósk um gott og afslappað sumar.

Guðbjörn Arngrímsson, formaður

# AÐRIR MÖGULEIKAR



Við bjóðum í ár áfram upp á gjafabréfin með Iceland Express flugfélaginu. Gjafabréfin gilda í öll flug hjá Iceland Express en það er flogið á 18 áfangastaði nú í sumar. Gjafabréfin kosta kr 12.000 fyrir félagsmenn en gilda sem kr. 20.000 upp í ferð hjá Iceland Express.

Gjafabréfin gilda til 10. mars 2010. Hver félagsmaður getur keypt 2 gjafabréf.

Félagsmenn fá afhent gjafabréf með númerum sem gefin eru upp þegar ferð er borguð á netinu eða á skrifstofu Iceland Express.

Eins og áður er sagt er hægt að nota bréfin í allar ferðir félagsins og er rétt að benda félagsmönnum á að félagið flýgur tvisvar í viku til Danmerkur frá Akureyri í sumar frá 1. júní til 31. ágúst.

Nánari upplýsingar um ferðir á vegum Iceland-Express er að finna á heimasíðu félagsins sem er [www.icelandexpress.is](http://www.icelandexpress.is)




Félagið greiðir niður til félagsmanna leigu á tjaldvögnum og fellihýsum.

Fara þarf með kvittun til gjaldkera St.Fjall, Hafdísar og fá niðurgreiðsluna sem er **7,000 kr.** fyrir vikuleigu.

Líkur á úthlutun á fyrstu og síðustu vikum sumarsins eru mun meiri en um mitt sumar og hefur ekki áhrif á sumarúthlutun.

# AÐRIR MÖGULEIKAR



## ÍBÚÐIR Í REYKJAVÍK OG Á AKUREYRI

Við bjóðum líka íbúðir í Reykjavík og á Akureyri í samvinnu við Félag opinberra starfsmanna á Suðurlandi.

Íbúðin í Reykjavík er stúdíóíbúð með einu svefnherbergi og er við Ásholt, rétt fyrir ofan Hlemm, en íbúðirnar á Akureyri eru með tveimur svefnherbergjum og eru við Tjarnarlund og Núpasíðu.

Þeir sem hafa áhuga á íbúðunum hafið samband við skrifstofu FOSS í síma 482-2760.

**Ath. skrifstofa FOSS er lokuð í júlí vegna sumarleyfa.**

Félagið er með miða í Hvalfjarðargöngin til sölu hjá Hafðisi á kr: 500

Ef félagsmenn eru með aðrar óskir eru þeir hvattir til að hafa samband við formann félagsins og hann reynir að uppfylla þær.

Félagsmenn eru hvattir til að fylgjast vel með heimasíðu félagsins, [www.stol.is](http://www.stol.is). Þar er að finna allar upplýsingar um félagið, kjarasamninga og réttindi félagsmanna.

**GÓÐ UMGENGNI ER GÓÐ REGLA**

# Munaðarnes



Við erum núna komin með full afnot af húsi no. 63 í Munaðarnesi.

Orlofshúsið er 52 m<sup>2</sup> með tveimur svefnherbergjum með tvíbreiðum vönduðum rúmum, 153x200 cm í stærra herberginu en 140x200 í hinu.

Við erum búin að taka húsið í gegn og breyta innanhúss, stækka stofuna og fækka herbergjum um eitt en á móti kemur svefnsófi fyrir tvo í stofu þannig að svefnstæði eru fyrir 6 í húsinu. Nýtt parket er á gólfi og nýtt borðstofuborð og stólar verða keyptir.

Við erum líka búin að kaupa gasgrill og ýmislegt sem okkur fannst vanta til þess að húsið væri jafngott og orlofshúsið okkar í Úlfstaðaskógi. Borðbúnaður og áhöld eru fyrir 8 manns. Sjónvarp og útvarp með geislaspilara eru í húsinu, sjá nánar í leigusamningi.

Í þjónustumiðstöðinni er hægt að fá lánuð barnarúm og þvottaaðstaða er fyrir gesti. Mikið er af merktum gönguleiðum í nágrenninu við allra hæfi. Stutt er í sund að Varmalandi og í Borgarnesi og golfvöllur er að Hamri við Borgarnes og við Bifröst er golfvöllurinn Glanni og þar fá félagsmenn í BSRB afslátt af daggjöldum.

Að sjálfsögðu er heitur pottur við húsið.

Lyklahús er við aðalinngang og leigjendur fá uppgefið númer í leigusamningi sem þeir stimpla inn og ná þannig í lykil að húsinu.

***Fólk þarf að hafa með sér sængurfatnað og diska- og bekkjapurrkur.***

Nánari upplýsingar um búnað í húsinu er að finna á heimasíðu félagsins  
**stol.is**

# Úlfstaðir



Húsið á Úlfsstöðum er 48 m<sup>2</sup> með 28 m<sup>2</sup> svefnlofti. Tvö svefnherbergi með tvíbreiðum rúmum eru á neðri hæð og auk þess tvöfalt rúm og 6 dýnur á svefnlofti þannig að það geta auðveldlega 10-12 manns gisti í húsinu í einu.

Eldhúsið var tekið í gegn fyrir 2 árum, sjá mynd og í ár verður baðherbergið tekið í gegn, skipt út tækjum, settur stærri hitakútur þannig að potturinn verður fljótari að hitna og sett hurð út á pallinn þannig að þeir sem fara í pottinn eða úr, þurfa ekki að ganga í gegnum húsið.

Húsið er vel staðsett, aðeins um 10 mín. akstur til Egilsstaða, álíka vegalengd er að Hallormsstað og stutt niður á firðina í skoðunarferðir.

Einnig er greiðfær vegur upp að virkjunarsvæðinu við Kárahnjúka og að hálendinu þar í kring.

Sundlaugar eru bæði á Egilsstöðum og á Hallormsstað og 9 holu golfvöllur er rétt við Fellabæ.

Heitur pottur er við húsið yfir sumarið.

***Lyklar afhendast á bæjarskrifstofu hjá Hafðísi.  
Fólk þarf að hafa með sér svængurfatnað, diska- og bekkjapurrkur.***

Upplýsingar um annan búnað í húsinu er að finna á heimasíðu félagsins **stol.is**.

# ORLOFSRÉTTUR ....

Allir launþegar eiga rétt á orlofi samkvæmt lögum um orlof. Hafi launþegi skipt um vinnu eða hafið nýtt starf á orlofsárinu rýrir það ekki rétt hans til orlofs.

## **Meginreglur um töku orlofs**

Sumarorlofstímabilið er frá 1. maí til 15. sept. hjá starfsmönnum Heilsugæslu og 15. maí til 30. sept. hjá starfsmönnum Fjallabyggðar og Hornbrekku. Yfirmaður ákveður í samráði við starfsmenn hvenær orlof skal veitt. Honum er skylt að verða við óskum starfsmanns verði því við komið. Orlof sem tekið er utan sumarorlofstímabils hjá ríkisstarfsmönnum skal lengja um 25% en 33% hjá starfsmönnum Fjallabyggðar og Hornbrekku enda sé það gert að beiðni vinnuveitanda. Vinnuveitandi getur ekki látið orlof falla inn í uppsagnarfrest nema um það sé fullt samkomulag við starfsmann.

## **Orlof talið í klukkustundum**

Fullt orlof fyrir fullt starf allt orlofsárið er 192 klukkustundir. Þegar starfsmaður hefur náð 30 ára lífaldri lengist orlof hans um 24 klst.

Þegar starfsmaður hefur náð 38 ára aldri lengist orlof hans um aðrar 24 klst.

## **Talning orlofsdaga**

Starfsmaður sem unnið hefur hluta úr fullu starfi eða hluta úr ári skal fá orlof í samræmi við bæði starfstíma og starfshlutfall. Starfsmaður rétt á a.m.k. 192 klst. á sumarorlofstímanum. Við talningu orlofsdaga skal aðeins telja virka daga vikunnar. Orlof ávinnst ekki í launalausum leyfi. Orlof í hlutastarfi skal reikna til launa sem hlutfall af fullu orlofi.

## **Frestun orlofs**

Starfsmaður sem beðinn er um að vinna í sumarleyfi sínu á að fá það greitt með yfirvinnukaupi, enda frestast ekki sá hluti orlofsins sem unninn er.

*SJÁ UPPLÝSINGAR UM VERÐ OG ANNAD Á ÖFTUSTU SÍÐU.*

# ..... ÞINN

## **Orlofslaun og orlofsfé**

Orlofslaun skal reikna af allri yfirvinnu og álagsgreiðslum og koma til útborgunar eftir 1. maí og/eða 1. júní ár hvert. Orlofsfé er 10,17%. Fyrir þá sem eru 30-38 ára er orlofsféð 11,59% og við 38 ára aldur fer það í 13,04%.

Lágmarksupphæð orlofsfjár fyrir fullt orlofsár skal nema 12% af maímánaðarlaunum orlofstökuársins í 107. launaflokki 3. þrepi.

## **Uppgjör orlofs við starfslok**

Láti starfsmaður af störfum skal áunnið orlof gert upp og lagt inn á bankareikning. Starfsmaður í fæðingarorlofi ávinnur sér rétt til orlofs.

## **Veikindi í orlofi**

Orlof og veikindi fara ekki saman. Veikist starfsmaður í orlofi telst sá tími ekki til orlofs, enda sanni starfsmaður með vottorði læknis að hann hafi ekki getað notið orlofsins vegna veikindanna. Starfsmaður skal tilkynna veikindi sín til vinnustaðarins eins fljótt og við verður komið.

## **Lokun deilda/vinnustaða á orlofstíma**

Samkvæmt orlofslögum er heimilt að loka einstökum deildum og/eða stofnunum og veita öllum starfsmönnum vinnustaðarins orlof samtímis. Við slíkar aðstæður getur starfsmaður sem ekki hefur áunnið sér fullt orlof, ekki krafist launa þá daga sem hann vantar upp á að hafa áunnið sér fullt orlof.

## **Orlofsuppbætur**

Orlofsuppbót á þessu ári er 25.200 krónur og kemur til útborgunar 1. júní

## **Tryggingar í orlofi**

Starfsmaður á kjörum opinberra starfsmanna er tryggður allan sólarhringinn vegna varanlegrar örorku eða dauða sem hlýst af völdum slyss, í samræmi við ákvæði 7. kafla í kjarasamningum.

## **Frestun og fyrning orlofs**

Samkvæmt ákvæðum kjarasamninga opinberra starfsmanna er heimilt með samþykki yfirmanns að fresta töku orlofs til næsta orlofstökuárs. Ljúka þarf töku orlofs fyrra orlofsársins fyrir lok síðara orlofsársins, annars telst það fyrnt.

***SJÁ UPPLÝSINGAR UM VERÐ OG ANNAÐ Á ÖFTUSTU SÍÐU.***

Vikur sem eru í boði eru á umsóknareyðublaði sem fylgir með fréttabréfinu.

Verð fyrir hverja viku í orlofshúsunum er sem hér segir, og skal greiðast fyrir **10. maí** hjá Hafðísi á bæjarskrifstofunni, verði það ekki gert áskilur félagið sér rétt til að leigja húsin öðrum.

Hafðís selur líka gjafabréfin frá Iceland Express.

Verð fyrir vikurnar 15. maí til 12. júní og 14. ág. til 11. sept....kr: 16.000  
Fyrir aðrar vikur ..... kr: 19.000

Með þessu blaði fylgir umsóknareyðublað sem vonandi er vel skiljanlegt og ætti því að hjálpa við úthlutanir á húsunum.

Umsóknum skal skila á  
[bæjarskrifstofuna fyrir 30. apríl.](#)

Félagsmenn eru beðnir að athuga að geti þeir einhverra hluta vegna ekki nýtt sér þá viku sem þeir fá úthlutaðri, verða þeir að láta Starfsmanna-félagið vita, sem sér um að úthluta henni til annarra félaga.

### **Reykingar eru bannaðar innandyrá á öllum dvalarstöðum félagsins!**

Við biðjum fólk vinsamlegast að fara varlega með eld utandyra og henda ekki sigarettustubbum á lóðir við húsin.

**Dýrahald:** Ekki er leyfilegt að hafa gæludýr með sér í húsin.

**MUNUM AÐ ÞETTA ERU OKKAR HÚS  
OG VIÐ ERUM STOLT AF ÞEIM.**

### **St. Fjall-fréttir**

eru gefnar út af Starfsmannafélagi Fjallabyggðar.

Netfang: [stol@olf.is](mailto:stol@olf.is) Heimasíða: <http://stol.is>

Ritstjóri og ábyrgðarmaður: Guðbjörn Arngrímsson

Starfsmannafélag Fjallabyggðar var stofnað 19. maí 1983

Félagar í dag eru 113 þar af 27 eftirlaunaþegar og öryrkjar.